



Áisitheoir Ealaíon do Ghaeltacht

Dhún na nGall (Clúdach Saoire Mháithreachas)

Tá **Ealaín (na Gaeltachta) Teo.** (fochomhlacht de chuid Údarás na Gaeltachta), ag tairiscint **post mar Áisitheoir Ealaíon i nGaeltacht Dhún na nGall** mar chlúdach saoire mháithreachas.

Is é misean Ealaín na Gaeltachta (fochomhlacht de chuid Údarás na Gaeltachta) ná forbairt na n-ealaíon dúchasach agus comhaimseartha sa Ghaeltacht, agus is de réir Straitéis Ealaín na Gaeltachta 2023-2027 atáimid ag feidhmiú faoi láthair. Beidh sé de phríomhchúram ar an té a cheapfar an clár oibre i dtaca leis seo a chur i bhfeidhm i nGaeltacht Dhún na nGall, mar aon le tacú le hobair eile na heagraíochta.

Dualgais an Phoist:

- Tógáil ar an gclár oibre ealaíon atá i bhfeidhm cheana féin sa réigiún agus straitéis Ealaín na Gaeltachta a fheidhmiú;
- Tacaíocht, comhairle agus spreagadh a thabhairt d'ealaíontóirí, d'eagraíochtaí, do thionscadail agus do ghníomhaíochtaí ealaíon sa réigiún;
- Comhoibriú leis an bhfoireann chun scéimeanna deontais a riar mar is cuí;
- Comhoibriú le foireann Chuisle – Clár Óige Ealaín na Gaeltachta – chun na healaíona don óige a chur chun cinn sa réigiún;
- Tacú le clár oiliúna na heagraíochta a chur i bhfeidhm;

- Tacú le clár meastóireachta agus monatóireachta a fheidhmiú agus ardchaighdeán a bhaint amach;
- Tacú le cúrsaí cumarsáide Ealaín na Gaeltachta;
- Oibriú i gcomhar le foireann réigiúnach an Údaráis i bpleanáil d'fhorbairt na n-ealaíon sa réigiún;
- Tacú leis an bhfoireann dea-chaidreamh a chothú leis na heagraíochtaí ábhartha Stáit, le heagraíochtaí deonacha agus lena gcuid foirne sa réigiún;
- Tacú leis an bhfoireann deiseanna a aithint chun foinsí breise airgid a aimsiú do thionscadail ealaíon sa réigiún agus moltaí a dhéanamh ina leith;
- Tús áite a thabhairt i gcónaí don Ghaeilge agus d'fhorbairt na n-ealaíon teangabhunaithe;
- Páirt a ghlacadh i bhforbairt ghairmiúil leanúnach;
- Freagrachtaí eile a chuirfidh an bhainistíocht ar an Áisitheoir ó am go chéile.

Riachtanais don phost:

Is ardchumas eagrúcháin agus cumarsáide mar aon le tuiscint leathan earnála atá ag teastáil don phost seo. Fáilteofar roimh iarratais ó dhaoine le cáilíochtaí ábhartha tríú leibhéal, mar aon le saineolas sna healaíona agus le taithí i bhforbairt agus i gcur chun cinn na n-ealaíon.

- Scileanna láidre eagrúcháin agus bainistithe ama
- Sárscileanna cumarsáide agus idirphearsanta
- Taithí mhaith ar chúrsaí riaracháin agus ríomhaireachta (ard-tuiscint ar Excel, MS Office agus cumas córais nua a fhoghlaim go tapa)
- Cumas gaol maith a chruthú le comhghleacaithe agus le páirtithe seachtracha
- Cumas feidhmiú go muiníneach as do stuaim féin, agus le foireann go héifeachtach
- Saineolas i gcúrsaí riaracháin agus i bhforbairt na n-ealaíon
- Saineolas ar chomhthéacs agus ar na polasaithe do na healaíona in Éirinn
- Saineolas i láimhseáil agus ag obair sna meáin dhigiteacha
- Tuiscint airgeadais
- Líofacht Gaeilge labhartha agus cruinneas Gaeilge scríofa.
- Ceadúnas glan tiomána

Faoin bpost:

Is fostóir comhdheiseanna é Ealaín na Gaeltachta agus is mór againn an éagsúlacht san eagraíocht. Ní dhéanaimid idirdhealú ar bhonn cine, reiligiúin, datha, bunúis eitnigh, inscne, gnéaschlaonta, aoise, stádais pósta ná stádais míchumais. Tá Ealaín na Gaeltachta sínithe leis an bhfeachtas náisiúnta Sábháilte le Cruthú, agus is dá réir sin a bhíonn an eagraíocht ag feidhmiú.

Beidh an té a cheapfar lonnaithe in oifig Údarás na Gaeltachta sa réigiún, agus beidh rogha ann roinnt den obair a dhéanamh ón mbaile. Beidh roinnt áirithe taistil i gceist, laistigh agus lasmuigh den réigiún. De bharr nádúr an phoist, beidh gá ó am go chéile le hobair thráthnóna agus dheireadh seachtaine.

Is post lánaimseartha é seo, ar chonradh cuspóra sheasta chun saoire mháithreachais a chlúdach (ag brath ar mhaoiniú leordhóthanach a bheith ar fáil). Íocfar tuarastal bunaithe ar ghrád a 3 na seirbhíse poiblí (Ardoifigeach Feidhmiúcháin), le bunráta €58,847.

Beidh deis ag an té a cheapfar a bheith páirteach i scéim pinsin na heagraíochta. Muna roghnaítear a bheith páirteach sa scéim pinsin, beidh an té cláraithe go huathoibríoch ag an rialtas sa scéim MyFutureFund - <https://myfuturefund.ie/participant>.

Faoin bpróiseas ceapacháin:

Déanfar gearrliostú ar iarratais de réir taithí agus cáilíochtaí agus cuirfear agallamh, bunaithe ar inniúlachtaí, ar na hiarrthóirí ar an ngearrliosta. Beidh ar iarrthóirí a bheith ar fáil le haghaidh agallaimh ar an 27/28 Aibreán agus beidh gá tús a chur lena gcuid oibre ar an 15 Meitheamh 2026.

Beidh painéal d'iarrthóirí rathúla á chur le chéile mar thoradh ar na hagallaimh. Beidh an painéal seo i bhfeidhm ar feadh dhá bhliain, agus féadfar, laistigh den am sin, iarrthóirí - a fhaigheann áit ar an bpainéal agus a chomhlíonann coinníollacha an phróisis roghnúcháin - a mheas le haghaidh folúntais sa phost.

Seol iarratas mar aon le CV, chuig:

An Riarthóir, Ealaín na Gaeltachta Teo., Údarás na Gaeltachta, Páirc Ghnó Ghaoth Dobhair, Doirí Beaga, Leitir Ceanainn, Co. Dhún na nGall roimh 4.00 i.n. ar an Céadaoin, 15 Aibreán, 2026.

Teil.: (074) 95 60100 R-phost: ma.nifhearraigh@udaras.ie